

M094: St. Galler Glaube u. Beichte II

- 143,1 O geloubeigin liute ir der provdere unte swestere in gote genennet pird .
fernemet daz wort mines trohtines
- 143,2 “der ist salic der dri behuttet sine gewate
143,3 daz er nihet naccaet ne gange” daz min trehtin sprichet fone der
bahaltenusse des gewates . fon danna der neccaettaga sol bedekket werden
.
- 143,4 daz scolet ier einiclihe bedengin . unte mite anadahten oren iures herzen
fernemen e ir dur die heilicheit der toufi ze me heiligen geloube chomot
- 143,5 fon den gewaten desse rehtes unte der govti uuarend ir nakket . mit den
gebutlichen sunden fon demo eriste menniskin
- 143,6 irwahssenen iruallene unt geuazzet auri in der toufi wrdind ier gewatit mit
wizzeme gewatin sconern dem allerluttristin golde daz selbe gewate
- 143,7 rihsender der sunton in iureme totlicheme libe mit hovre . mit ubrehovren
. mit meinen eiden . mit manslahten . mit tiuuen . mit rouben . mit lugen
. unte
- 143,8 mit andre manegen den gelichen habent ir si gemeiligit unte bewollen .
unte wellet mit soler unreinikheite undri wesen des himilischen . chuniges
provtelovften
- 143,9 der hiute mit sinere gemahelan mit ter heiligen cristinheit warlichen unt
ana zwiuel keistlichen wirtskeftit
- 143,10 lieben pruedere . daz irfurht hic . unt ist iu nihut min z erfurhtinne . daz
fone solichen sculden iur gebet hie nihet fernomen werde
- 143,11 unt daz ir in deme khunftigen suenes taga fon der genoskeft aller govten
unt aller rweltten gesuntirt unt ferteilet werdet .
- 143,12 swer diz mit waren riwen sorget ze bedenkenne . unt wirdilichen unt
warlichen hinnan fure puezen wile . ter heffe
- 143,13 uf sin herce unt spreche nah mir
- 143,14 ih fersache den tiufel unt elliu sinu werc . unt alle sine
- 143,15 gezierde . fone minemo libe . fone miner sela . ih n wil imo gelobe . imo
scol niemen gelobe . Ih wil gelou in got uater almhatigen
- 143,16 an den skepther des himiles unt der erde . unt gelob an sinen einpornen sun
. unt gelob an den heiligen keist . unt gelob die tri kenennede
- 143,17 einin waren got . der dri hie wass ana anagenge . unt iemer ist an ente .
unt gelob . daz er geborne wart unt gefangen
- 143,18 wart unt gemarterot wart unt daz er irstarbe daz er begraben wart . unt daz
er z ere helle fuor . unt dannan na- alle die der wolt .
- 143,19 unt g- daz er irstuont an demo trittin taga . unt g . daz er an demo
fierzechosten taga after siner urstende ze himile fuore . ze sines fat-

- 143,20 zesuun . warer got . unt warer mennisk . unt g- . daz er dannan chunftig
ist an demo iungesten taga . ze irteilinne lebentin unt totin .
- 143,21 unt g- ein cristnheit alliche . unt poteliche . ein tofe . unt g- gemeinsamede
der heiligon ub hic si garne . unt g- antlaz miner sundon nah
- 143,22 luttere pihite . unt g- daz ih irsterben scol . unt daz ih irsten scol . unt g-
aft- disme lib dene ewegen lib . In demo gelob so pigi ih . dem allemachtigen
- 143,23 got . unt disene heiligen . unt dir priest . aller miner sunton . der ih hie
gedahte oder gefrumete fone miner tofi . unz an
- 143,24 disen hiutegen taga . mit huor . mit huores gelusten daz riuuet mi . unt
irgibi mi scovldigen . demo almahtigen got unt disene heiligon . unt
- 143,25 allen gotes heiligon . unt tir priestere . ze warere pikerde . unt ze williger
puezze . am- . miser habent ir diz getan mit ter innikheit
- 143,26 iures movtes unt uuelt ir daz irfollen mit tin werken daz ir mi ti mund
gesprochen habent so st iu offene mines rhettines genade .
- 143,27 ubre allez taz des ir n hie pitint piert . nah der salikheite iurs libes unt iur
sela .†